

LES 3 X 8

Paroles de M. BODSON.

Air : *Vive la Vadrouille.*

Prumî Couplet

Volà co pu d' qwat' ans
Ovris qu' nos lanwihans
Dizos l' botte des All'mands
Li peupe belge bonn'èfant
A baicop trop souffri
Es c'nest nin co fini
Ka po l' moumint
Nos d'vans nos s'tinde li
[main.

Refrain :

Turtos d'zos l'minme bannire
Accorans comme tos frés
Ka c'est po l' classe ovrière
Qui l'heure vint dès sonner
Luttant avou corège
Ovris, serrans nos rangs
C'est les 8 heures d'ovrège
Qui turtos nos réclamans

Deuzinme Couplet

D'findans nos libertés
Es noss' neutralité
Nos Belges ont combattou
Es houïe qui sont riv'nous
Zels qui s'ont st'exposés
Po l'zès rescompinser
Nos d'vans sayi
Comme des frés d'les aidi,

A refrain.

Treuzinme Couplet

Après ottant d' malheur
Nos d'vri avou l' bonheur
Dès goster des plaisirs
C'est hut heures di loisir
Qui on dvreut biin nos d'ner
Nos l' z'avans mérité
C' n'est nin todis
Ax riches à s'diverti.

A refrain

Qwatinme Couplet

Adon l'cix qu'a stovré
Hut heures c'est bin assez
Po rinde l'ovri contint
Qui on vote abeie'mint
Ine feie à fer n'bonne loès
Qui pos nos autes dirès
Hut heures, hut francs
Volà çou qu'nos volans.

A refrain

Cinquinme Couplet

Haïe messieurs les patrons
Si v' z'estez n' miette bon
Ni lèyi nin lanwi
Les cix qu'ont tant souffri
Sov'néve des cix qu'sont
[moèrts
Ax trancheies di l'Yser
Ils ont lutté
Po voss' prospérité.

A refrain.

Reproduction Interdite.